

Արմավիրի մարզի Այգեշատ /Վաղարշապատ/

համայնքի ղեկավարի 2019թվաակնի տարեկան

ՀԱՇՎԵՏՎՈՒԹՅՈՒՆ

Ես՝ որպես Այգեշատ համայնքի ղեկավար, ներկայացնում եմ 2019թ-ի ընթացքում համայնքում կատարված աշխատանքների մասին:

Տարեսկզբին ավագանու հաստատմանն է ներկայացվել համայնքի բյուջեն, որի կատարմանը սահմանված կարգով կատարվում է հսկողություն:

Համայնքի հասարակական կարգի պահպանման համար սահմանվել է հսկողություն գիշերային ժամերին, որը իրականացվում է ինչպես ավագանու անդամների, այնպես էլ աշխատակազմի միջոցով: Այս աշխատանքների շնորհիվ բավականին պակասել են անկարգություններն ու գողությունները: Աստիճանաբար հաստատվում է կարգապահությունը համայնքում:

Համայնքի փողոցների բոլոր խաչմերուկներում անցկացվել է գիշերային լուսավորություն:

Նոր-տարին դիմավորելու համար զարդարվել է համայնքի հրապարակում գտնվող հուշարձանին հարակից եղնիկները և դրվել է զարդարված եղնիկ

Տարեսկզբին Նոր-տարվա առիթով կազմակերպվեց Ձմեռ պապի այցելությունը բնակիչների տները և 1-ից մինչև 6 տարեկան երեխաներին բաժանվեց նվերներ:

Համայնքի ղեկավարի և աշխատակազմի շնորհիվ փետրվարի 13-ին Տյարն ընդառաջի կապակցությամբ կազմակերպվեց միջոցառում: Այդ օրը 6 նորապսակների եկեղեցում կատարվեց ծիսակատարության կարգը այնուհետև արարողությունը շարունակվեց համայնքի կենտրոնում արարողակարգի համաձայն, նորապսակներին բաժանվեցին նվերներ:

Միջոցառմանը ներկա էին Երկիր Մեղիա հեռուստաընկերության լրագրողները, միջոցառումը նկարահանվեց և ցուցադրվեց:

Գյուղապետարանի աջակցությամբ դպրոցի ուսուցչական և աշակերտական կազմը, ինչպես նաև համայնքից այլ բնակիչներ ապրիլի 24-ին այցելել և ծաղկեպսակ են դրել 1915թվ.եղեռնի զոհերի հուշարձանին:

Մայիսի 9-ին՝ հաղթանակի օրվա առթիվ կազմակերպվել է միջոցառում: 2019թվականի հունիս ամսին ասֆալտապատվել է համայնքի կենտրոնական փողոցից մինչև մշակույթի տան, հարակից տարածքը շուրջ 300քմ, ինչպես նաև ավարտին է հասցվել մշակույթի տան և զոհվածների հուշարձանին կից հատվածի սալապատման աշխատանքները:

2019թվականի հունիսի մեկին երեխաների պաշտպանության միջազգային օրվա առթիվ կազմակերպվեց միջոցառում որին մասնակցեցին հեքիաթի հերոսներ, Մաշան և արջուկը: Այդ միջոցառմանը մասնակցեցին նաև դպրոցի երեխաները իրենց պարերով ուրախացրեցին ինչպես երեխաներին այնպես էլ ծնողներին: Ավագանու հաստատմամբ սոցիալական օգնություն է տրվել համայնքի թվով 18 առավել անապահով ընտանիքներին:

Գյուղապետարանի միջոցներով կառուցապատվում է մանկապարտեզի շենքը, որը կապահովի երեխաների ապահովությունը և անվտանգությունը: Մանկապարտեզի աշխատանքների ընթացքում տարածքից հեռացվել է շուրջ 280 խմ հող:

2019թ.-ի 1-ին կիսամյակի ընթացքում համայնքում կատարվել են բավական աշխատանքներ կոմունալ ծառայությունների բնագավառում:

2016թվականի մայիսյան քառօրյա պատերազմում զոհվածների հուշաքարի մոտ կատարվել է ծաղիկների տնկում:

Կատարվել է բուժ ամբուլատորիայի շենքի ներքին հարդարման աշխատանքներ գաջապատվել է շինության ներքին պատերը: Մոնտաժվել է մանկապարտեզի հոսանքը:

Բավականին աշխատանք է կատարվել պաշտպանության բնագավառում:

2019թ-ի ձմեռային և ամառային զորակոչը կատարվել է 100%

նախապատրաստվել և զորակոչվել են հինգ զորակոչիկ, և մեկնել են զինծառայության:

Համայնքում տարված բացատրական աշխատանքների շնորհիվ:

Հաշվետու տարում համայնքում կատարվել է կենդանիների համաճարակային պատվաստումները հատկապես խոզի գրիպի դաբադի և բրոնխիտի դեմ: Կազմակերպվել և այժմ էլ կատարվում է աղբաթափություն ամիսը 4-5անգամ շաբաթական 1-օր յուրաքանչյուր կիրակի:

Կազմակերպվել և կատարվել է համայնքի բնակավայրերից դուրս ճանապարհների եզրերին տարիներ շարունակ կուտակված աղբի մաքրման և տեղափոխման աշխատանքները: Կատարվել է համայնքի փողոցների լայնացման և մաքրման աշխատանքներ

Աշխատանքներ են կատարվել Վաղարշապատի ՋՕՄ-ի հետ համայնքի Ուրց-Կոտայք Շամիրամ գոտուց օգտվող ջուր օգտագործողներին ժամանակին ջրով ապահովելու համար: Տեղադրվել է նոր ջրհան պոմպ որը սպասարկում է համայնքի մի մասին թեթևացրել է Քասախ գետից օգտվող հատվածի ծանրաբեռնվածությունը:

Աշխատանքներ են կատարվել համայնքի Քասախ գետից սնվող Սարի-Առու կոչվող ջրատարները մաքրելու և որոշակի մասերում բետոնապատման աշխատանքներ կատարելու ուղղությամբ:

Ցորենաքաղի ժամանակ համայնքապետարանը կազմակերպեց ցորենի հունձը „Բիզոն„ մակնիշի կոմբայնով, որը ավելի բարենպաստ էր ցորենատերերի համար: Կորուստ չեղավ: Ցորենաքաղի ավարտից հետո այդ նույն կոմբայնը համայնքի ղեկավարի աջակցությամբ կատարեց հունձ Դաշտ, Լեռնամերձ համայնքներում, որից գոհ մնացին նշված համայնքների բնակիչները:

Այսքան կատարված աշխատանքների հետ մեկ տեղ կան նաև որոշակի դժվարություններ, որոնք խոչընդոտում են գյուղատնտեսության զարգացմանը:

Նախատեսված և ներկայացված է համայնքի ներսում կենտրոնական ոռոգման համակարգի ջրատարը կիսախողովակներ տեղադրելու նախագիծը, որը ընթացքի մեջ է:

Հաշվետվությանը ներկա էր Արմավիրի մարզպետարանի աշխատակից Գյուղ բաժնի պետ Մարտիրոս Սարիբեկյանը:

Այգեշատ համայնքի ղեկավար  Թորերտ Հովսփյան



04.02.2020թվական

ՔԱՂՎԱԾՔ

2020թ. փետրվարի 04-ին կայացած Այգեշատ համայնքի (ԿԶՄԻԱՍ 8/16) բնակիչների ընդհանուր ժողովի արձանագրությունից:

04.02.2020թվ. Արմավիրի մարզի Այգեշատ համայնքի համայնքապետարանի շենքում տեղի ունեցավ Այգեշատ համայնքի բնակիչների ընդհանուր ժողովը:

Ժողովին ներկա էին համայնքի ավագանու անդամները, համայնքապետարանի աշխատակազմի աշխատակիցները, դպրոցի տնօրենը և փոխտնօրենը, մանկավարժներ, բուժամբուլատորիայի աշխատակիցները համայնքի բնակիչներ թվով շուրջ 90 մարդ:

Հաշվետվությանը ներկա էր նաև Արմավիրի մարզապետարանի աշխատակից Մարտիրոս Սարիբեկյանը:

Օրակարգում 1. Այգեշատ համայնքի ղեկավար Ռոբերտ Հովսեփյանի 2019թվականի ընթացքում կատարված աշխատանքների հաշվետվությունը:

2. Ընթացիկ հարցեր:

Ձեկուցող Այգեշատ համայնքի ղեկավար

Ռ.Կ. Հովսեփյան

Ներկայացվեց 2019թվականի ընթացքում կատարած աշխատանքների հաշվետվությունից հետո կայացավ քննարկում:

Բոլոր ներկաները բավարար գնահատեցին համայնքի ղեկավարի կատարած աշխատանքները:

Ավագանու անդամ Մ.Բաբայանը ողջունեց համայնքի ղեկավարի կատարած աշխատանքները էլեկտրահա-ղորդման հենասյուների

փոխման աշխատանքների և համայնքի ոռոգման ներքին ցանցի
կենտրոնական մասը կիսախողովակների տեղադրելու հետ:

ԱՅԳԵՇԱՏ ՀԱՄԱՅՆՔԻ ՂԵԿԱՎԱՐ

ԱՇԽԱՏԱԿԱԶՄԻ ՔԱՐՏՈՒՂԱՐ



Ռ.Կ. ՀՈՎՍԵՓՅԱՆ

Ա.Ա.ԱՍԱՏՐՅԱՆ